

Museo Antiguedad

Aruba Antique & Heritage Museum

Edition 1

Boletin di informacion

Pa reaccion: daisy4croes@gmail.com

Timbalstraat 11, Tarabana,

September 2005

Fundacion Juan Mario Odor

Editor: Desiree Croes

Kiko Museo Antiguedad tin pa ofrece?

Obhetonan di balor historico y cultural bon cuida.

Hopi hende nunca a bishita e Museo aki pasobra ainda e no ta situa den un edificio apropiada y adecua den Oranjestad. Museo Antiguedad merece di ta den centro di nos ciudad pa e tambe por haña bishita diariamente. Un gobierno cu creatividad, vision y amor pa Aruba lo propone pone e museo aki den un edificio monumento caminda cu e mueblenan y tur articulo di nos grandinan lo sinti nan mes na cas. Ideal lo ta si duna e museo aki un edificio bieu manera e 'huisje Wild', Schelpstraat, cu gobierno a cumpra pa renoba. Lo ta un lastima grandi pa wak e cas aki para bira oficina di gobierno. Esaki lo bira un bunita proyecto pa Aruba su museo di herencia cultural. Por ehempel na Boneiro tin un museo di antique cu tambe ta un restaurant. Semper e ta repleto di bishita pasobra nan a traha cu vision. E bishitantenan ta recore e museo pa despues bai disfruta di cuminda crioyo parti atras. Fantastico! Pero esaki ta e editor presentando su vision y su soño na lectornan.

HECHO:

Museo Antiguedad Aruba tin e coleccion mas grandi na Aruba di Antique Nacional. Artfactonan usa na Aruba mes pa nos hendenan di antes. Aunke tambe tin antique internacional manera corant di siglo 18 y 19.

Por ehempel: Diferente tipo di stoel



INTERESANTE.....

Atraves di e obhetonan y mueblenan por determina y identifica entre otro diferencia den clase social como tambe moda y estilo di un epoca determina. Tambe por investiga material di cual nan a ser traha. Tin varios mueble cu a ser traha aki na Aruba mes !!!

Obhetonan di personanan cu nos no



mester lubida manera guitarra di “e ciego maraviyoso di Aruba”, Sr. Pedro Kock.

Pedro Kock a fayece pero museo tin su guitarra. E tabata un musico famoso ya cu e persona aki a nace ciego pero tabatin un don natural y un oido fantastico pa musica.

Mayoria hende conoce e **barberia** ‘Altagracia’ cu antes tabata situa den hanchi di Oduber & Kan. E barberia a ser estableci den añanan ‘50 y tabatin por



lo menos dos doño pero e meublenan a keda.. E ultimo doño / barbero ta Sr. Luis Medina cu awor no ta eherce su trabou mas. Pero kiko lo a pasa cu e mueblenan y tur e

obhetonan perteneciente ora e lugar a sera? Menos mal cu museo Antigüedad tin nan den exposicion.

FAMIA ECURY tabata residencia den e edificio cu awor ta un monumento caminda cu Museo Arkeologico lo establece su mes den futuro den Schelpstraat. Museo Antigüedad ta posee diferente obhetonan cu tabata pertence na e familia aki.



Cu otro palabra Museo Antigüedad ta posee kashi, utensiyonan di cushina, herment y obhetonan di cunucu y piscado. Bo por admira sofa, heri’ strika, machine di cose, baki aloe original di puro

koper y hopi mas.



Ta ken a funda Museo Antigüedad y cu cua obhetivo?

Den añanan ‘80, Juan Mario Odor, famoso coleccionista internacional di placa Arubano, a ripara cu Aruba a drenta un epoca caminda tur cos bieu ta ser tira afo. Esaki tabata motibo suficiente pa Mario y su esposa Ines cuminsa warda y cumpra tur artefacto di nos hendenan di antes. Lo ta hopi tristo si awe nos no tabata



1919-2001

tin algo warda di personanan y famianan cu tabata habita nos isla den un otro temporada. Si esaki pasa nos lo lubida di unda nos a bin y kiko nos hendenan di antes tabata hasi akinan. Nos raisnan lo bai perdi. Dos aña pasa fundacion a apela pa nomber di caya pa Mario Odor.

i abo of bo conoce algun persona cu tin articulonan bieu, por tuma contacto cu nos na telefoon: 583-2039 of 582-8831

Nos ta garantiza nan cuida.